



UNIVERSITÄTS-
BIBLIOTHEK
PADERBORN

Paraphrasis Psalmorvm Davidis Poetica

Buchanan, George

Argentorati, M. D. LXVIII.

VD16 B 3125

Psal. CXIII. Laudate pueri Dominum, laudate nomen Domini, &c. Carm.
gen. 25.

[urn:nbn:de:hbz:466:1-69145](https://nbn-resolving.de/urn:nbn:de:hbz:466:1-69145)

Dominus malorum uota ridet irrita,
Spes ut modestas promouet.

PSAL. CXIII. Laudate pueri Domini-
num, laudate nomen Domini, &c.

Carm. gen. 25.

P Sallite Dominum pueri, Domini
Nomen festo tollite cantu.
Nomen Domini sit benedictum,
Et sæclorum in sæcula longi
Nulla obliuio sentiat æui.
Primo à carcere solis Eoi
Ad purpureos usq; Occasus,
Omnes Domini nomen adorent,
Qui gentes super arduus omnes
Celsas ætheris incolit arces.
Cuius longè gloria mundi
Trans flammantia mœnia uecta est.
O pietatis nescia ueræ
Pectora ritu sacra nefando
O qui fingitis, anne deorum
Quenquam Domino similem nostro
Nostis? quem super ardua cæli
Culmina positum nil latet imæ
Sub caua clausum uiscera terræ,
Nil humano procul aspectu
Trans multiplices ætheris orbes:
Inopem terræ qui prostratum
Suscitat, & de puluere egenum

Tollit

Tollit, ut alto positus solio
 Populi primos carpat honores.
 Qui maternos sterili fructus
 Exoratus donat, & orbos
 Læta renouat prole penates.

PSAL. CXIII. In exitu Israel de Aegypto, domus Iacob, &c. Carm. gen. 22.

Vum domus Isacidūm patrias remearet
Q ad oras,
 Barbaraq; inuisæ linqueret arua Phari,
 Ipse Deus Iudam cælesti numine tutum
 Fecit: erat populi signifer ipse sui.
 Vidit & attonitas trepidū mare diffidit undas:
 Iordanis refugas in caput egit aquas.
 Læta per intonsos salierunt culmina montes,
 Ut saturas gestit dux gregis inter oves:
 Lætāq; frondentes mouere cacumina colles,
 Agnus ut in pratis luxuriare solet.
 Quid mare uidisti solito cur celeris alueo?
 Cur fugis in fontes fluminis unda tuos?
 Cur ita concusso salijstis uertice montes
 Ut satur exultat dux gregis inter oves?
 Cur ita frondenti salijstis uertice colles,
 Agnus ut in pratis luxuriare solet?
 Nempe Dei trepidum presentia terruit orbem,
 Cui cadit in Solymos uictima multa focos.
 Qui lapidum uenas laticum laxauit in usum,
 Cui fluxit largo flumine dura silex.

P